

PRENTSAURREKOA

VII JORNADAS DE SOLIDARIDAD CON LAS VÍCTIMAS.  
BIKTIMEKIKO ELKARTASUNERAKO VII. JARDUNALDIAK

---

Bakearen aldeko Koordinakundeak Biktimekiko Elkartasunerako VII. Jardunaldiak ospatuko ditu urriaren 13 eta 14an **“Oroimenerako Abotsak”** goiburupean. Gure ustez, gaur ere beharrezkoak dira esparru batzuk, biktimen errealitatera hurbil gaitezen eta, horrela, aurrera egin dezagun beraien benetako aitortzan eta guztiontzako etorkizun zuzen eta askearen eraikuntzan.

**“Oroimenerako Abotsak”** izenburuarekin zera nabarmendu nahi dugu: jasaten dihardugun terrorismoaren errealitate izugarria memoria kolektiboari erantsi behar diogula. Honen haritik, beren testigantzen bidez, beren hots partikular eta zehatzen bidez, transmititu zaigun biktimen bizipenak indarkeriak sortu duen samina eta urte luzez erakutsi dugun gizatasunik eza agertzea ematen dizkigu.

Urtero ospatzen ditugun Jardunaldi hauetan, biktimen eta beren senideen testigantzek, hain zuzen ere bidegabekeria sakon hau jasan dutenen kontakizunek dute lehentasuna. Horregatik, beste ezer baino lehen, beren testigantak gogora ekarri eta jendaurrean eskaintzeko, gu beraien bizipenetara hurbilazteko egiten duten ahalegin handia eskertu nahi diegu.

**KONPROMISOA INDARKERIAREN BIKTIMEKIKO ELKARTASUN, AITORPEN ETA OROIMENAREKIN**

Biktimak ikusgai bihurtzea ahalbideratu behar dugu. Sortu dien oinazea egundokoa da eta jasan duten bidegabekeria, izugarria. Baina, gainera, **galeraren saminari, burututako eraso bakoitza justifikatzen eta delako testuinguru baten sartzan saiatzen den gizartearen zati batek eragiten duen etengabeko oinazea gehitu behar zaio eta baita aitorten eskasa ere gainerako herritaren aldetik.**

Ezin dugu ahaztu indarkeriaren biktimak zeintzuk diren: terroristek aukeratu dituzten gizon eta emakumeak dira eta beraiek jasaten dute gizarte osoari, bere borondatea makurtu eta menperatzeko asmoaz, zuzendutako erasoak. Izan ere ETAK eta berau babesten dutenek beren nagusitasuna ezarri nahi dute eta beldurtu egin nahi gaituzte **gure auzokide diren gizon eta emakumeak asasinatuz eta mehatxatuz.** Errealitate hori aitortzeak beraiekiko eta beren senideekiko elkartasun handia gauzatzera eta sendo lan egitera behartzen gaitu, **bizikidetasuna normaltzeko bidean indarkeriari behin-betiko zilegitasuna ken diezaiogun.**

Biktimen errealitatea ezagutzeko eta beraiengana hurreratzeko biderik onena biktima bakoitzarengandik bere esperientzia pertsonala, bere nahi eta erreklamazioak, **beraien arteko desberdintasunak eta denek bizi izan dutena: eraso terrorista jasan izana**, entzutea da. Beren testigantzak eskainiz, biktimek beraiekin iraganaldirako bidaia egiteko aukera ematen digute eta, horrela, jasan zuten oinazea eta bidegabekeria eta gizartearen babes eskasak eragin zien bakardadea ezagutzekoa. Horrela, beren oroitzapenean lagun egin diezaiekegu eta behar adina arrazoi eta elkartasun jadets dezakegu, ahal den neurrian jasan duten bidegabekeria zuzentzeko.

## INDARKERIARI ZILEGITASUNA KENDU

**Beharrezkoa eta *biktimekiko dugun betekizuna* delako. Biktimei ordain zuzen eta eraginkorra ematea dagokigu. Biktimak egote hutsak indarkeriari buruzko edozein aitzakia eta justifikazio ezabatzea exijitzen digu**, indarkeria inork inoiz baliagarritzat uler ez dezan eta gizarte osoari eta, batez ere, terrorismoaren eragin zuzena jasan dutenei, egundoko samina eragin diela ahantz ez dezan.

Horregatik, gure iritziz nahitaezkoa da indarkeriari zilegitasuna kentzeari begira jarrera koherenteak erakustea, eta horrek ETArri ezetz esatea baino askoz gehiago eskatzen du:

- Indarkeriari zilegitasuna kentzea, ez dagoela eta ez dela inoiz izan indarkeria terrorista erabiltzeko justifikazio eta aitzakiarik aitortzea da eta, ondorioz, biziaren eta giza eskubideen erabateko defentsa egitea.
- Indarkeriari zilegitasuna kentzea, terrorismoak deuseztatu nahi duen euskal giartearen aniztasuna defendatzea da.
- Indarkeriari zilegitasuna kentzea, indarkeriaren eta arazo politiko baten artean kausazko lotura ezarri nahi dutenak moral eta politikoki ezeztatzea da. **Ez dago eragindako oinazea justifika dezakeen inolako arrazoirik**. Indarkeria erabiltzea, gutxi batzuek, izua eta samina erabiliz, gainerako guztiei beren egitasmo politiko ezartzeko hartu zuten erabakiaren –erabaki okerraren- emaitza da.
- Indarkeriari zilegitasuna aktiboki kentzea, babesten edo justifikatzen dutenei horren bitartez ez dutela helburu bakar bat ere lortuko argi uztea da, jarduera terroristan iraunez zein indarkeria erabiltzeari uko egitea edo ez egitea txantajea egiteko erabiliz, ez dutela ordain politikorik lortuko ikustaraztea. Eragiten dizkiguten nazka eta amorruek gauza bakar bat lortuko dute: ETA EZ esaten jarraitzea.

## JARDUNALDIAK

Zazpigarren urtez Jardunaldiok antolatzean, Bakearen aldeko Koordinakundeak indarkeriari eta honen ondorioei buruz hausnartzeko eta biktimen testigantzak zuzenean entzuteko aukera emango digun esparru lasaia sortu nahi du.

Testigantza hauek dute lehentasuna Jardunaldiotan, biktimei zuzen-zuzenean entzuteak, terrorismoaren eraso hur-hurratik jasan dutenen bizipenak entzutea ikasgai guztiz aberatsa da eta hortik, enpatia eta elkartasuna sortzen dira nahitaez. Horretarako, 6 biktimak eskainiko dizkigute beren testigantzak: 1983. urtean Euskal Herrian asasinatu zuten zibil baten alarguna, 1995. urtean Madrilen asasinatu zuten herritar baten alaba, 1990. urtean Euskal Herrian asasinatu zuten funtzionario baten anaia, 1991. urtean Euskal Herrian asasinatu zuten haur baten aita, 1990. urtean atentatua jasan zuen polizia nazionala eta urte asko jazarrita daramatzan zinegotzia<sup>1</sup>.

Era berean, M<sup>a</sup> Eugenia Rodríguez Palop Madrileko Carlos III.a Unibertsitateko 'Bartolomé de las Casas' Giza Eskubideen Institutuko zuzendariordeak **Biktimen Estatutu Morala** gaiaren inguruan jardungo dau eta Deustuko Unibertsitateko Teologia Eskolaren sortzaile den eta euskal gizartearen hondatze moralaz oso kezkatuta dagoen Alfredo Tamayo Ayestarán jesuitak **Memoriaren esanahia** gaiari buruz hausnartuko du.

Jardunaldi hauekin, biktimengana hurbiltzeko eta indarkeriaren aurkako jarreran sendotzeko bidea eskaini gura dugu guztiontzat. Dei egiten diegu herritar guztiei, urriaren 13 eta 14an oroimenerako abotsak entzutera eta gure memoria kolektiboa sustatzera hurbil daitezten. Arratsaldeko 7,00etatik aurrera izango dira jardunaldiak, astelehenez, urriak 13, Donostiako 'Koldo Mitxelena' aretoan eta asteartez, urriak 14, Bilboko 'Nervión' Hotelean. Zain gauzkazue!

---

<sup>1</sup> Las Jornadas se realizarán con la colaboración del Ayuntamiento de San Sebastián y de la Dirección de Atención a Víctimas del terrorismo del Gobierno Vasco.

# 7<sup>as</sup> Jornadas de Solidaridad con las Víctimas

Biktimekiko Elkartasunerako Jardunaldiak  
"VOCES PARA LA MEMORIA"

**Astelehena. 13 de octubre**  
**19:00etan - Sala Koldo Mitxelena**  
**(Donostia)**

**Asteartea. 14 de octubre**  
**19:00etan - Salón Casco Viejo**  
**Hotel Nervión (Bilbao)**

**Gesto por la Paz**